



Republika e Kosovës
Republika Kosova
Republic of Kosovo



REPUBLIKA E KOSOVËS/REPUBLIKA KOSOVA/REPUBLIC OF KOSOVO
KUVENDI KOMUNAL/ASSEMBLY OF MUNICIPALITY/SKUPSTINA OPŠTINE
SKENDERAJ

№ No. 01-060/01-0052693/25
Data 17.12.2025



Komuna Skenderaj
Opština Skenderaj
Municipality Skenderaj

Kuvendi i Komunës /Skupština Opštine/Municipality of Assembly

Në bazë të nenit 49, të Ligjit për vetëqeverisje lokale nr. 03/L-040, të Republikës së Kosovës, si dhe nenit 43 të Statutit të Komunës së Skenderajt nr.01-110-385 të dt.03.12.2008, si dhe Rregulloren e punës së Kuvendit nenit 27, e në pajtim me rregullat e procedurës.

Ekstrat nga procesverbali i Mbledhjes Inauguruese të Kuvendit Komunal, i mbajtur me datën 04.12.2025, ora 10:00

Në këtë mbledhje janë diskutuar këto pika:

1. Arritja dhe nënshkrimi i anëtarëve të Kuvendit;
2. Fjala mirëseardhëse e anëtarit me të vjetër të Kuvendit, Kryesuesit të seancës;
3. Dhënia e betimit të anëtarëve të Kuvendit;
4. Dhënia e betimit të Kryetarit të Komunës, (Fjala përshëndetës e Kryetarit),
5. Zgjedhja e Kryesueses të Kuvendit.

Kryetar i Komunës z. Sami Lushtaku: Përshëndetje për të gjithë anëtar të kuvendit dhe gjithë ju të pranishmit, mirë që keni ardhur në këtë seancë inauguruese. Këtë seancë e kam thirrur në mbështetje të Ligjit Nr.03/L-040 për vetëqeverisje lokale, dhe nenit 4 të Udhëzimit Administrativ Nr.02/2015, për mbajtjen e mbledhjeve të Kuvendit të Komunës, Andaj në mbështetje të Ligjit për Vetëqeverisje Lokale Nr.03/L-040, përkatësisht nenit 42 paragrafi 5, mbledhjen inauguruese duhet të kryesohet nga anëtar i ma i moshuar i kësaj legjislature siç z.Nezir Bejta, dhe e ftojë në ulësen e kryesueses Nezir Bejta, si ma i moshuari në këtë legjislaturë,

Kryesuesi i seancës z.Nezir Bejta: Të nderuar anëtar të Kuvendit, të nderuar pjesëmarrës në këtë seancë, ju falënderoj për pjesëmarrje, Unë jam Nezir Bejta, profesor afër 40 vite në gjimnazin Hamëz Jashari në Skenderaj, sot jam me i privilegjuar në këtë mesë për ta udhëhequr këtë seancë jo përse jam me i veçantë si ju, po pse jam me i moshuar në moshë. Do të mundohem që tërë seancë ta udhëheq sa me mirë, dhe për këtë e falënderoj dy zyrtaret e komunës Mujë Selmani dhe Ilmi Kabashi të cilët me përkushtim me udhëzuan se si është rrjedhja dhe procedura e kësaj seance. -Nuk po e zgjati me shume, po e konstatoj kuorumin në sallë janë (27) Anëtarë,

-Po filloj me pikat e rendit të ditës,

Në bazë të nenit 35 paragrafi 3 të Ligjit për vetëqeverisje lokale, Po e formojmë një komision për verifikimin e mandateve për Anëtarët e Kuvendit dhe të Kryetari të Komunës, prej tre anëtarëve, dhe kërkoj që ta na i jepni propozimet për formimin e këtij komisioni sipas partive politike.

E ftojë një anëtar nga radha e PDK, pastaj, LVV dhe partive tjera në radhë, fjalën ja kaloj: .

Adelina Spahiu nga PDK-ja, për komision - Propozoj **Dardan Shala**,

Hysni Mehani nga LVV-ja, për komision - Propozoj **Floriana Halili**,

Afrim Kabashi nga AAK, - Propozon **Feriz Shala**;

Kryesuesi: Shkojmë në votim për këtë komision me këtë përbërje si me lartë, konstatojmë, me 27 vota për, asnjë kundër, dhe asnjë abstenim, përkrahet komisioni me këtë përbërje si me lartë. Kërkoje nga anëtarët e komisionit të propozuar ti shqyrtoj listat e KQZ-së për mandatet për anëtar dhe kryetar të komunës dhe të kalojnë në zyre tjetër për verifikim në kohëzgjatje prej 5 min.

Kërkoj nga njëri anëtar i komisionit të propozuar ti shqyrtoj listat e KQZ-së, fjalën ja kaloj:

Florian Halili: Fjala përshëndetëse, pas shqyrtimit nga komisioni prej 3 anëtarëve Vendimi i Kryetarit dhe lista e anëtarëve nga KQZ-ja konstatohet se është gjithëkrah në rregull lidhur me mandatet e anëtarëve dhe vazhdojmë me procedurat tjera.

Kryesuesi: Sipas komisionit për verifikim të mandateve u pa se gjithëkrah ishte në rregull lidhur me mandatin.

Vazhdojmë më pikën e radhës të rendit të ditës:

Në bazë të nenit 35 paragrafi 4 të Ligjit për Vetëqeverisje Lokale është;

Dhënia e Betimit të anëtarëve të Kuvendit

Kryesuesi: Unë e lexoj betimin në foltore, i ftoni të gjithë anëtarët të ngritën në këmbë për ta lexuar betimin.

Unë, (Nezir Bejta) "betohem (ose deklaroj solemnisht) se do t'i kryej me nder, besnikëri, pa anime e me ndërgjegje dhe sipas ligjit detyrat dhe do t'i ushtroj autorizimet e miya si anëtar i Kuvendit të Komunës së Skenderajt, në mënyrë që të sigurohen kushte për jetë të qetë për të gjithë", betohem..

Vazhdojmë më pikën radhës të rendit të ditës:

Në bazë të nenit 57 paragrafi 1 të Ligjit për Vetëqeverisje Lokale është

Dhënia e betimit Kryetari të Komunës. E ftoj kryetarin në foltore të lexon betimin

Kryetari i Komunës z.Sami Lushtaku: *Unë, (Sami Lushtaku), "betohem (ose deklaroj solemnisht) që do t'i kryej detyrat dhe do t'i ushtroj kompetencat si kryetar i komunës së Skenderajt, me nder, besnikëri, në mënyrë të paanshme, me ndërgjegje dhe në pajtim me ligjin, në mënyrë që t'i siguroj kushte për një jetë të qetë për të gjithë", betohem...*

Kryesuesi: Faleminderit kryetar urime marrja e mandatit. Vazhdojmë me një fjalë përshëndetës nga ana e Kryetarit të Komunës z. Sami Lushtaku. Ja kaloj fjalën;

Kryetari i Komunës z. Sami Lushtaku: Të nderuara familje të dëshmorëve, invalidë e veteranë të luftës së Ushtrisë Çlirimtare të Kosovës, gjeneral, deputet, përfaqësues institucionalë, qytetarë të Skenderajt, Të nderuar të pranishëm, Sot qëndroj përsëri para jush me nderin më të madh që mund t'i jepet një biri të kësaj toke - besimin tuaj për të udhëhequr Skenderajn, çerdhen e çdo lëvizje për çlirimin e Kosovës dhe vendin i cili u ngrit me gjak, mund e sakrificë. Para se gjithash, përulëm me respektin më të thellë para sakrificës së brezave që e bënë të mundur këtë ditë. Përulëm para emrit madhështor të Komandantit Legjendar të UÇK-së Adem Jashari, familjes së tij heroike dhe çdo dëshmori që me gjakun e vet vulosi themelet e lirisë. Sot nuk jemi këtu vetëm për të kujtuar të kaluarën, por për të mbajtur gjallë amanetin e saj. Ne kemi obligim të vazhdojmë aty ku ata e lanë, me punë, me përgjegjësi dhe me vendosmërinë e një populli që nuk dorëzohet kurrë.

Të nderuar qytetarë, Vendi ynë sot nuk përballlet me luftë frontale por përballlet me sfida të reja - sfida të zhvillimit, të ekonomisë, të arsimit, të shërbimeve, të infrastrukturës dhe të barazisë e drejtësisë shoqërore. Këto sfida kërkojnë punë të palodhur, vullnet të hekurt dhe lidhësi të guximshëm. Unë ju garantoj se do të jem kryetar i çdo qytetari - pa dallim bindjeje politike, familjare apo shoqërore. Në këtë ditë solemne, e kemi edhe një obligim moral: të mos harrojmë liderët tanë që sot mbahen padrejtësisht në Hagë, Hashim Thaçin, Kadri Veselin, Jakup Krasniqin e Rexhep Selimin. Ata që kontribuan aq shumë për lirinë që sot e gëzojmë meritojnë drejtësi nga ky proces. Ne do të vazhdojmë t'i mbështesim me dinjitet, me zë të qartë dhe me besimin se e vërteta e luftës sonë çlirimtare do të triumfojë. Të dashur qytetarë, Mandati që më keni dhënë nuk është privilegj - është barrë e shenjtë, dhe unë e marr me përgjegjësi të plotë. Zotohem se çdo ditë e këtij mandati do të jetë ditë pune. Ditë përgjegjësie. Ditë rezultatesh. Zotohem se Skenderajn do ta bëjmë qytet të zhvillimit, të pastërtisë, të gjelbërimit, të sigurisë, rendit dhe mundësive për rininë

tonë. Mysafir të nderuar, familje të dëshmorëve, invalid të luftës, i falënderoj, përmes jush të gjithë qytetarët e komunës sonë dhe dua që të përshëndes dhe të falënderoj shokët e mi që janë këtu pranë. I falënderoj miqtë dhe shokët nga diaspora që sot janë me ne që ta ndajmë këtë gëzim bashkë me ta, dua t'i përshëndes këta dy burra me plis që i falënderoj dhe i respektoj shumë. Faleminderit shumë qytetarëve të Komunës sonë.

Kryesuesi: Faleminderit kryetar.

Vazhdojmë me piken e radhës të rendit të ditës: Zgjedhjen e Kryesuesit të Komunës, mysafir të nderuar ju ftoj ta lironi sallën se kemi me zgjedh kryesuesen e kuvendit,

Kërkoj nga anëtarët që të formohet një komision prej 3 apo 5 anëtarëve, për numërim të votave, sepse numri duhet me qenë tek i komisionit, prezent janë 27 anëtar.

Kërkoj propozimet nga subjektet politike për këtë komision, fjalën ja kaloj;

Fikret Rexhepi, nga partia PDK, për komision, - Propozoj **Dardan Shala**.

Hysni Mehani, nga NSD, për komision, - Propozojmë **Afrim Kabashi**

Alban Berisha nga partia PDK, për komision - Propozon **Kushtrim Dragaj**.

Kryesuesi: Shkojmë në votim për këtë komision me këtë përbërje si me lartë të komisionit, konstatojmë, me 27 vota për, asnjë kundër, dhe asnjë abstenim, përkrahet komisioni me këtë përbërje si me lartë.

E ftoj komisionin ti zë vendet, dhe fillojmë me marrjen propozimeve nga ana e anëtarëve për kandidat për kryesuese, fjalën ja kaloj;

Fikret Rexhepi, propozoj për kryesues nga radha e PDK-së, **znj. Adelina Spahiu-Alija**.

Hysni Mehani, propozoj për kryesues nga LVV-ja, **znj. Floriana Halili**.

Kryesuesi: A ka propozime tjera, nëse nuk ka, Sekretaria e kuvendit i ka sjelle fletëvotimet dhe listën e nënshkrimeve dhe përgatiti kutin e votimit dhe dorëzon 27 fletëvotime të komisioni për numërim dhe listën e anëtarëve për thirrje për votim, ftojë një anëtarë ti thërrasë anëtarët një nga një për votim, fjalën ja kaloj;

Dardan Shala; I thërret anëtarët sipas listës për votim dhe se cili anëtar nënshkruhet ne listë:

Kryesuesi: Të gjithë anëtarët e kuvendit kanë votuar dhe janë nënshkruar në listë, e ftojë komisionin ti numëroj fletëvotimet dhe njeri anëtar i komisionit të merr fjalën se cili anëtar ka marr vota me shume, fjalën ja kaloje.

Kushtrim Dragaj: Konstatoj se gjithçka është në rregull mund të fillojmë me thirrjen e anëtarëve e kuvendit për votim sipas listës, fillon votimi i rregullt, procesi përfundon i votimit, dhe po i komentoj rezultatet pas numërimit të fletëvotimeve dhe rezultati është ky:

Znj. Adelina Spahiu-Alija i ka marrë (21) vota, znj. Floriana Halili (4) vota, dhe dy vota të pavlershëm. Znj. Adelina Spahiu-Alija, zgjidhet kryesuese e kuvendit të Skenderajt, urime.

Kryesuesi: E falënderoj komisionin për numërim të votave dhe sipas rezultateve përfundimtare Kryesuese e Kuvendit të Skenderajt zgjidhet znj. Adelina Spahiu-Alija, të cilës i urojmë shumë suksese, shëndet e gjitha të mirat, e ftojë kryesuesen që të vijë në ulësen e kryesuesit.

Kryesuesja e zgjedhur e KK-Skenderaj znj. Adelina Spahiu: I nderuar kryetar anëtarë të kuvendit komunal mysafir të pranishëm, se pari e uroje kryetarin e komunës z. Sami Lustaku dhe juve anëtarëve të kuvendit, shpresoj që kemi me pas një bashkëpunim të suksesshëm në shërbim të qytetareve tan, Ju faleminderit të gjithëve për besimin që ma keni dhënë, për me qenë kryesuese edhe një mandat premtimi imë është që ne këtë kuvend ka me udhëheq paanshëm dhe me respekt për se cilin anëtar të kuvendit komunal, unë e shpalli të mbyllur këtë seancën dhe shihmi në seancat tjera.

Procesmbajtësi



Kryesuesja e Kuvendit